




玉函山房輯佚書

□ 11
1236
80

八
十





1236
卷八



藝經

魏 邯鄲淳 撰

捐悶

捐悶者周公作也先布本位以十二時相從其文曰

同有文章虎不如龍豕者何為來入兔宮王孫出御覽

書作卜乃造黃鐘犬就馬廐御覽作犬往就馬非類相從羊奔

蛇穴牛入雞籠徐援稱捐悶乃是奇兩之術發首即

奇一乃奇兩者即為疑更調曰大豬東行遁虎坑兔

子欲宿入馬廐羊來入村狗所屯大牛何知乘龍上

五經

鄒嬛館補校

蛇往西方人猴鄉雞鳥不止夜口口

甄鸞術數記遺注太平御覽

卷七百五十五引帽問先布本位至雞籠

三不比兩

三不比兩者孔子所造也布十干於其方戊己西南

維其文曰火為木生甲呼丁夫婦義重已隨壬貴遺

則統領辛參南丙妻則須守乙後火戊子天癸就庚

術數拾遺記

四維

四維東萊子所造也布十二時四維之一其文曰天

行星紀石隨龍灑風吹羊圈天門地連兔居蛇穴馬

到猴邊雞飛猪鄉牛入鼠屢並同上

馬射

馬射左邊為月支二枚馬蹄三枚也文選曹子建白馬篇李善注

又顏延年楮白馬賦注

彈碁

碁正彈法二人對局白黑碁各六故先列碁相當更

先控三彈不得各去控一碁先補角其局以石為之

文選魏文帝與朝歌令吳質注引至補角後漢書梁冀傳章懷太子注引作彈碁兩人對局至相

當下作更先彈也其局以石為之其局句據補

碁局

碁局縱橫各十七道合二百八十九道白黑碁子各

一百五十枚文選卷五十二章宏嗣博奕論注

投壺

投壺法十二籌以象十二月之數太平御覽卷七百五十三

擊壤

擊壤古戲也壤以木為之前廣後銳長尺四寸濶三寸其形如履將戲先側一壤於地遙於三四十步以

手中壤敲之中者為上太平御覽卷七百五十五廣韻上聲三十六善注引首句

夾食

夾食者二人黃黑各十七碁列於前第四道上甲乙迭推二碁夾一為食碁不得食兩不得邊食不由道則不行碁入夾不取食一碁為籌賭多少隨人所別

太平御覽卷七百五十五

簸子

子之多少人之明數隨戲者制始十子爭先以落多

為不妙

擲磚

以磚二枚長七寸相去三十步立為標各以磚一枚
方圓一尺擲之主人持籌隨多少甲先擲破則得乙
籌後破則奪先破者並同上

手中擲敲之中者為上

太平御覽卷七百五十五
廣韻上聲三十六善注引首

句

夾食

夾食者二人黃黑各十七碁列於前第四道上甲乙
迭推二碁夾一為食碁不得食兩不得邊食不由道
則不行碁入夾不取食一碁為籌賭多少隨人所別

太平御覽卷
七百五十五

簸子

子之多少人之明數隨戲者制始十子爭先以落多

六經

嫻媛館補校

為不妙

擲博

以博二枚長七寸相去二十步立為標各以博一枚
方圓一尺擲之主人持籌隨多少甲先擲破則得乙
籌後破則奪先破者並同

投壺

晉 虞潭 撰

謂之投壺者取名菴藪漸而轉易鑄金代焉太平御覽卷七

百五十三

菴他由切

建之於後人事生矣壺底去一尺其下筍以龍元

元月中蝦蟇隨其生死也橫曰簾龍蛇之類

運之以鱧蝦燕尾

瞻平表切謂龍下瞻螭也燕識候而歸來去有恒

報而歸人自數之極也

矢十二

數之極也

長二尺八寸

法於恒矢古用柘棘

古者投壺擊鼓為節帶劍十二

人臉頰二帶謂之帶劍

倚十八

倚並左右如狼尾狀

狼壺二十

令矢圓轉周於壺口

劍驕七十

入帶劍還如後也

三百六十籌得一馬

言三百六十歲功成也馬謂之近黨同得勝也

三馬成都

並同上

附錄

隋志經籍志梁有大小博法一卷投壺經四卷投

壺變一卷晉左光祿大夫虞潭撰投壺道一卷郝
 冲撰唐藝文志作郝冲虞潭注經壺經一卷則書
 名姓氏卷帙無不誤矣虞郝之書今皆不傳太平
 御覽載虞潭投壺變文頗譌闕難解今並錄其原
 注以待通數者解之臧琳經義雜記

王函山房輯佚書目

卷七十九

附

補編

經編易類

周易劉氏注一卷 北魏劉勰

周官禮類

周官禮異同評一卷 晉陳邵

儀禮類

周氏喪服注一卷 宋周續之

喪服世行要記一卷 齊王逸之

通禮類

禮論難一卷 晉范宣

逆降義二卷 宋顏延之

明堂制度論一卷 後魏李謐

梁氏三禮圖一卷 梁正

張氏三禮圖一卷 唐張鎰

春秋類

春秋例統一卷 唐啖助

國語章句一卷 後漢鄭眾

春秋外傳國語解詁二卷 後漢賈逵

周易劉氏注北魏劉昺撰魏書本傳云昺字延明敦
煌人隱居酒泉不應州郡之命弟子受業者五百餘
人李暠署爲儒林祭酒從事中郎注周易行於世蒙
遜平酒泉拜秘書郎築陸沉館於西苑躬往禮焉號
元處先生月致羊酒牧犍尊爲國師親自致拜命官
屬以下皆北面受學焉世祖平涼州拜樂平王從事
中郎然則其人蓋北方之彥以著作名世者史於注
易不言卷數隋唐志皆不著錄幸於陸德明釋文得
其一節斷珪殘璧少而益珍與盧氏注考爲景裕撰

者此次以存北學兩易注外尚有敦煌實錄二十卷
今亦佚別為蒐輯入雜傳焉歷城馬國翰竹吾甫

周易劉氏注

北魏 劉兩 撰

周易下經

豐

雖鈞无咎

陸德明釋文雖旬如字均也王肅
尙純反或音唇荷作均劉兩作鈞

周官禮異同評一卷晉陳邵撰邵字節良東海襄賁人官至燕王師給事中晉書儒林有傳傳稱撰周禮評甚有條貫隋志周官禮異同評十二卷晉司空長史陳劭撰唐志云傅元周官論評十二卷陳邵駁蓋一書也今佚惟陸德明經典釋文序錄載序一首附錄本傳爲卷收董道跋賈公彥疏云公彥此疏據陳邵異同評及沈重義爲之按疏於康成引杜子春二鄭之說必明其從違之義當是採取評語由此參觀猶可得陳書之大凡也歷城馬國翰竹吾甫

月官禮異同評

晉 陳邵 撰

戴德刪古禮二百四篇為八十五篇謂之大戴禮戴
 聖刪大戴禮為四十九篇是為小戴禮後漢馬融盧
 植考諸家同異附戴聖篇章去其繁重及所敘畧而
 行於世卽今之禮是也鄭元亦依盧馬之本為注焉
 陸德明經典釋文敘
 錄引陳邵周禮論序

附錄

陳邵字節良東海襄賁人郡察孝廉不就以儒學徵
 為陳留內史累遷燕王師撰周禮評甚有條貫行於
 世泰始中詔曰燕王師陳邵清貞潔靜行著邦族篤
 志好古博通六藝耽悅典誥老而不倦宜在左右以
 篤儒教可為給事卒於官

晉書儒林傳

周氏喪服注一卷宋周續之撰續之有毛詩注已著錄南史本傳云通毛詩六義及禮論其注喪服隋唐志皆不著錄朱氏經義考據釋文列於雷次宗畧注喪服經傳下不詳卷數書佚已久通典引三節問答喪服文似禮論不知於經當何屬姑依所引次第錄之歷城馬國翰竹吾甫

周氏喪服注

宋 周續之 撰

禮亡雖小功可以冠娶妻則女身雖有服謂出門無

嫌也

杜佑通典卷六
十何承天引

或問曰斬緘終三年乎答曰不也卒哭而服齋緘又
問若不終三年則服卒何故云鬢三年又云三年之
喪若斬則是居情理之極所謂致喪者也焉得卒哭
而奪情答曰但尋名教者宜求其本本正則條目自
明聖王雖總企及俯就以爲之制要以滅性爲深憂

是以節哀順變每受以輕也

通典卷八十七

孟氏問曰嗣子今為孟使君持重光祿喪庭便無服主位於禮云何續之答禮無曉然之文然意謂嗣子宜兼持重正位之喪豈又闕三年正主耶又問曰若嗣子兼持重者光祿喪次親有廬耶答曰禮之倚廬在東牆下蓋是寢苦枕函之處非接賓位也謂寢息之所宜在親之殯宮於光祿喪庭若賓客饋奠凡有是事然後之喪所已則還廬次然今代皆以廬為接賓之位侍則二處從禮之變亦宜兩設耶又問葬奠

之何先何後答曰禮云父母之喪偕其葬也先輕而後重其虞也先重而後輕其葬服斬緘以例而推光祿葬及奠虞皆宜先於情則祖輕於尊則義重

通典卷九

七十

喪服世行要記一卷南齊王遵之撰遵之字宣約琅
 邪臨沂人官至光祿大夫加侍中事蹟具南齊書文
 學列傳傳稱王儉撰古今喪服集記遵之難儉十一
 條更撰世行五卷隋志有喪服世行要記十卷齊光
 祿大夫王逸撰舊唐書逸作遵之與南齊書合則作
 逸者傳寫誤也其書佚南齊禮志載其與王儉問答
 一篇採錄與儉集記排次禮志稱王遵脫之字誤遵
 為逸有由然矣歷城馬國翰竹吾甫

喪服世行要記

南齊 王遂之 撰

皇太子穆妃服尚書左丞兼著作郎王遂問左僕射
 王儉中軍南郡王小祥應待聞喜不穆妃七月二十
 四日薨聞喜公八月發哀計十一月之限應在六月
 南郡王為當同取六月則大祥復申一月應用八月
 非復正月在存親之義若各自為祥廬聖相問立素
 雜糅未審當有此疑不儉曰送往有已復生有節罔
 極非服制所申祥編明示終之斷相待之義經記無

聞世人多以廬室衰麻不宜有異故相去一二月者或申以俱除此所謂任情徑行未達禮旨昔撰喪記已嘗言之遠還之人自有爲而未祭在家之子立何辭以不變禮有除喪而歸者此則經記之遺文不待之明據假使應待則相去彌年亦宜必待乃爲衰經永服以窮生吉蠲長絕於宗廟斯不可矣苟曰非宜則旬月之間亦不容申何者禮有倫序義無徒設今遠則不待近必相須禮例既乖卽心無取若疑兄弟同居吉凶外雜則古有異宮之義設無異宮則遠還

之子自應開立別門以終喪事靈進祭奠隨在家之人再朞而毀所以然者奔喪禮云爲位不奠鄭立云以其精神不存乎此也聞哀不時寔緣在遠乎位不奠益有可安此自有爲而然不關嫡庶子在家亦不待嫡矣而况儲妃正體王室中軍長嫡之重天朝又行權制進退彌復非疑謂不應相待中軍祥編之日聞喜致哀而已不受弔慰及至忌辰變除昆弟亦宜相就寫情而不對客此國之大典宜通關入座丞郎共盡同異然後奏御司徒褚淵等二十人竝同儉

議為允請以為永制詔可南齊書禮志

禮論難一卷晉范宣撰宣有禮記音已著錄晉書儒
 林宣本傳云著禮易論難皆行於世隋唐志皆不載
 原書久佚茲從禮記正義晉志通典輯得二十篇據
 經準理不說於正博士段暢中杜元凱短喪之議反
 復駁難尤有關於世教史稱譙國戴逵等皆聞風宗
 仰自遠而至諷誦之聲有若齊魯太元中順陽范甯
 為豫章太守甯亦儒博通綜在郡立鄉校教授恒數
 百人由是江州人士並好經學化二范之風也以此
 編與武子禮答問並觀可擬於漢先鄭後鄭云歷城

馬國翰竹吾甫

禮論難

晉 范宣 撰

簡文爲撫軍與尚書郎劉邵等奏四祖同居西祧藏
 主石室禘祫乃祭如先朝舊儀宣兄子問此禮答曰
 舜廟所以祭皆是庶人其後世遠而毀不居舜廟上
 不序昭穆今四君號猶依本非依功德致祀也若依
 虞主之瘞則猶藏子孫之所若依夏主之埋則又非
 本廟之階宜思其變則築一室親未盡則禘祫處宜
 帝之上親盡則無緣下就子孫之列

晉書禮志上

雜記云有三年之練冠則以大功之麻易之唯杖履不易宜以母喪既練遭降服大功則易衰以母之既練衰入升降服大功衰七升故得易之其餘則否禮記

雜記上孔穎達正義引聖證論范宣子之意齊氏召南云聖證論疑禮論之誤

雜記云有父母之喪尚功衰而耐兄弟之殤則練冠於殤鄭注云謂大功親以下之殤也諸本或誤云大功親之下殤案下殤者傳寫之誤非鄭繆也禮記雜記上正義引范宣子庚蔚等云

雜記云為妻父母在不杖不稽顙有二義一者生存

為在二者旁側為在此云母在謂母之側為妻不杖故問喪云則父在不杖杖矣尊者在故也鄭云父在不杖謂為母按為母則削杖而云父在不杖謂為母是父在謂在側之在若論語云君在跣如也同上引范

宣子

案禮大功之未可以冠子嫁子此子於己為無服也以己尚在大功喪中猶未忍為子娶婦近於歡事也故於冠子則可取婦則不可矣己有總服之衰於祭亦廢婚亦不通矣况小功乎五服之制各有月數月

數之內自無吉事故曰衰麻非所以接弁冕也春木
左氏傳齊侯使晏子請繼室於晉叔向對曰寡人之
願也衰經之中是以未敢請時晉侯有少姜之喪耳
禮貴妾繼而叔向稱在衰經之中推此而言雖輕喪
之麻猶無婚姻之道也而敦本敬始之義每於婚冠
見之矣雜記云大功之末可以嫁子小功之末可以
取婦而下章云己雖小功卒哭可冠取妻也二文誠
為相發尋此言為男女失時或繼嗣未立者耳非通
例也同上

毀主欲別立廟宇方之瘞埋

社佑 通典卷四十八許敬宗奏引博士蒯宜

主二字 據補

當其為師則不臣之釋奠日宜備帝王禮樂

通典卷五十三

舜有拂卵無磔雞及魏明帝大脩禳祭儀雞特禳
之事磔雞宜起於魏卵本漢制所以輔卯金又宜魏

所除也

通典卷五十五

殷浩問曰其士大夫之嫡者公子之宗道也請解其
義答曰其士大夫之嫡者言上二宗唯施公子之身
至諸公子有子孫各祖公子以為別子各宗其嫡子

禮論難

鄭煥館補校

以為大宗代代相承然後乃成別子之後不遷之宗也所以舉其士大夫之嫡者明公子之子孫不復宗公子之宗又嫌庶宗昆弟之子猶復為小宗故特舉嫡以曉之也凡母弟及庶昆弟所謂庶宗大宗正論其一代之嫡庶耳至於各有子之後長子皆成嫡也公子之宗道言公子之宗道成故重釋也通典卷七十三殷浩問曰有小宗而無大宗者有大宗而無小宗者有無宗亦莫之宗者公子是也公子有宗道公子之公為其士大夫之庶宗請解之答曰有小宗而無大

宗者謂君之諸弟同庶者君命庶長為眾庶之宗則名小宗則服大功九月者是也有大宗而無小宗者謂君有同母弟命以為宗則羣庶昆弟宗之則名大宗服齋纁九月者是也昆弟既親又是庶中之正者也有無宗亦莫之宗者謂公子唯己而已則上不敢宗君下無昆弟宗己者是也公子有宗道者禮諸侯於非正嫡一無所服則羣昆弟亦不敢相服則無相統領無相統領則不可不立宗立宗然後有服耳故云公子有宗道也公子之公者君也此立宗君命所

制嫌自相推故又舉公以明之也為其士大夫之庶宗者此獨說庶宗者嫌上總謂有小宗而無大宗者為混故復指解小宗之義則大宗自然了也所以統大夫庶宗者諸侯庶昆弟有為大夫也所以正舉大夫者所宗庶長或可為士嫌大夫位尊不相宗故云為大夫之庶宗以斷疑也同上

博士段暢重申杜元凱議曰尚書毋逸云高宗亮陰三年不言諸儒皆云亮陰默也唯鄭元獨以諫闇為凶盧今據諸儒為正明高宗既卒哭即位之後除縗

麻躬行信默聽於冢宰以終三年也言即位以明免喪之後素服心喪謂之諫闇故杜議云天子居喪齋斬之情非杖經帶當其遂服葬而除服諫闇以終三年也國語楚語及論語禮記坊記喪服四制皆說高宗之義大體無異唯尚書大傳以亮闇為凶盧蓋東海伏生所說鄭元之所依博而考之義既不通據經所言是唯天子居凶盧豈合禮制代俗皆謂大祥後禫時為諫闇漢記稱和熹鄧皇后居母喪縗素不食肉亦曰諫闇此乃古今之通言信默者為得之也范

宣曰知諒闇為凶廬者按禮葬後柱楣楣則梁也明葬後居廬所以為義暢曰昔武王崩成王立周公攝政明年既葬周公冠成王而朝于祖以見諸侯此天子卒哭除喪之證也春秋在喪王曰小童公侯曰子既葬則無此稱此除服證也范宣難曰禮葬後飲食之服皆有降殺君臣之稱安得不異暢曰春秋文八年秋八月襄王崩九年春毛伯來求金傅曰不書王命未葬也范宣曰禮既葬王政入於國即君各有漸非一朝頓除除服之義多引益惑耳暢引僖王崩未

再周惠王享晉號失禮以名位不同不議喪享而譏公侯同禮又享有籩豆之薦聘則陳幣太廟授玉兩楹此間樂不樂食旨不甘除服證也范宣曰朝聘之禮國有喪皆有撤損不與平同也周禮掌客職賓客有喪唯芻稍之受是明主人設饗是儀有等級之品客受芻稍循情之事是以往往有享文耳且或有急尊王室或有安衛社稷事出無方歸於時宜事訖反服於禮何傷於啐噉示儀而以為食甘亦其昏矣暢引春秋僖七年閏月惠王崩九年夏王使宰孔賜齊

侯胙曰天子有事于文武以為王喪再周少五月而猶事文武明王為卒哭除喪即位而祭廟矣所謂烝嘗禘於廟也宣曰夫祭祀之禮有正有變所以然者或時有所施不必一也禱類祈禱豈一道乎武王出耐以燎豈是常郊耶天地猶然況宗廟乎禮不墓祭而尚祭乎畢又不於宗廟而祀在母室母音牧鄭元云牧野之室且禮去祧為壇去壇為墀而周公請命告于大王以下而三壇同墀此豈非變禮乎當襄王之前逼于王子帶不敢發喪潛使告于齊常有憂懼之色故或為

權禮於文武告請之祀非其常典故云有事于文武而不稱禘祫于宗廟也能究變正之義始可與談春秋耳通典卷八十一

萬蔣問嫡孫亡無後次子之後可得傳祖重不答曰禮為祖後者三年不言嫡庶則通之矣無後猶取繼况見有孫而不承之耶庶孫之異於嫡者但父不為之三年祖不為之周而孫服父祖不得殊也通典卷八十八有問曰人有二兒大兒無子小兒有子疑於傳重答小兒之子應服三年同上何承天引

咸康末殷泉淵問天子諸侯臣致仕服有同異答云
夫禮制殘缺天子之典多不全具唯國君之禮往往
有之臣之致仕則為舊君齋綴三月天子之臣則亦
然矣天子之與國君雖名號差異至于臣子奉之與
主者無殊矣何以明之公羊傳曰以諸侯踰年稱卽
位亦知天子之踰年稱卽位以天子三年然後稱王
亦知諸侯於其封內三年稱子比例如此則臣服之
制同矣通典卷八十九

得三年問范宣谷曰按禮由命士以上父子異宮春
秋傳曰大夫有側室士有二宗皆斯之謂是以庶子
有母之喪自居其室而遂其情經載稟命為慈母猶
且三年况親所生乎嫡母雖貴然厭降之制父所不
及婦人無專制之事豈得引父為比而屈降支子也

通典卷九十四

夫繼母之所以出者非身有穢壘則必犯逆於父是
以致此斥黜恩不生己義距於父非恩非義何以得
服河內從事史糜遺議曰夫禮緣人情而為之制雖

以義督親然實以恩斷按繼母如母謂其在父之室
 事之猶母見育猶子故同之所主齋縗下章云父卒
 繼母嫁從為之服報此明父在繼母出則不服矣繼
 母出自他族與己無名徒以配父有母之尊親撫養
 已故亦喪之如母及其出也既不終養育之恩又棄
 為母之名若不從而見育則不服亦宜矣同上
 雷孝清問曰為祖母持重既葬而母亡服制云何別
 開門更立廬不言稱孤孫為稱孤子范宣曰按禮應
 服後喪之服承嫡居諸父之上一身為兩喪之主無

緣更別開門立廬以失居正之義至祖母練日則變
 除居室事葬反後喪之服禮無書疏稱孤孫孤子
 之文今代行之合於人情稱孤孫存傳重之目宜幸
 祖訖服然後稱孤子通典卷九十七
 斬縗既葬布同於齋縗既練則同大功大祥之後略
 如總麻禮之次序也通典卷一百二
 父母墓毀服議范宣曰禮不見在遠直聞墓發制唯
 經見改葬總此施臣子妻是承嫡者當依此禮非嫡
 有降但三日哭從祖一日哭可也同上

禮二墓論史記及孔安國說皆爲實錄未生以前不
可以逆責夫子也既長謁墓因以識其外矣但不去
其內義無強請然耐葬宜詳是以問焉記但言不知
其墓非都不知也所以不應者欲言非禮則弟子有
忘敬之情欲言是禮則墓不須防而固然言及宅兆
是以流涕耳防亦防虞此豈地名猶傳言文公之文
也無衛非無康叔之國也

通典卷
一百三

逆降義一卷宋顏延之撰延之字延年琅邪人官至
特進光祿大夫事蹟具宋書本傳書名逆降義者蓋
明禮制升降之義七錄三卷隋志云亡唐志不著錄
今佚無稱述者唯杜佑通典引顏延之問答一節辨
姪甥之名義亦關禮服當是此書佚文據錄以補其
缺云歷城馬國翰竹吾甫

逆降義

宋 顏延之 撰

或問曰甥姪亦可施於伯叔從母耶答曰伯叔有父
 名則兄弟之子不得姓從母有母名則姊妹之子不
 可言甥且甥姪唯施於姑舅耳何者姪之言實也甥
 之言生也女子雖出情不自絕故於兄弟之子稱其
 情實男子居內據自我出故於姊妹之子言其出生
 伯叔本內不得言實從母俱出不得言甥然則謂吾
 伯叔者吾謂之兄弟之子謂吾從母者吾謂之姊妹

逆降義

鄭履館補校

之子杜佑通典
卷六十八

七十九卷二十四

明堂制度論一卷後魏李謐撰謐字永和趙郡平棘人徵拜著作佐郎辭以授弟郁詔許之州再舉秀才公府二辟並不就賜諡貞靜處士事蹟見北史本傳此論之作以考工記大戴禮盛德言明堂之制不同乃參用禮記王藻明堂三篇推理愜情極辨鄭元注五室蔡邕說九室之非折衷精當本傳載其全篇茲據輯錄四門小學博士孔璠等上書稱其鳩集諸經廣校同異比三傳事例名春秋叢林有十二卷其書不傳卽此一班猶想見絕世之心焉歷城馮國

明堂制度論

序

娜嬛館補校

翰竹吾甫

七十九卷十五

明堂制度論

後魏 李謐 撰

余謂論事辨物當取正於經典之真文援證定疑必有驗於周孔之遺訓然後可以稱準的矣今禮文殘缺聖言靡存明堂之制誰使正之是以後人紛糾競興異論五九之說各信其習是非無準得失相半故歷代紛紜靡所取正乃使裴頠云今羣儒紛糾互相倚據就令其象可得而圖其所以居用之禮莫能通也爲設虛器耳况漢氏所作四維之个復不能令各

明堂制度論

鄭媛館補校

處其辰愚以爲尊祖配天其義明著廟宇之制理據未分直可爲殿屋以崇嚴父之祀其餘雜碎一皆除之斯豈不以羣儒舛互並乖其實據義求衷莫適可從哉但恨典文殘滅求之靡據而已矣乃復遂去室牖諸制施之於教未知其所隆政求之於情未可喻其所以必須惜哉言乎仲尼有言曰賜也爾愛其羊我愛其禮余以爲隆政必須其禮豈彼一羊哉推此而論則聖人之於禮殷勤而重之裴頠之於禮任意而忽之是則頌賢於仲尼矣以斯觀之裴氏子以不

達失禮之旨也余竊不自量頗有鄙意據理尋義以求其真貴合雅衷不苟偏信乃藉之以禮傳考之以訓注博採先賢之言廣搜通儒之說量其當否參其同異棄其所短收其所長推義察圖以折厥衷豈敢必善聊亦合其言志矣凡論明堂之制者雖衆然校其大略則二途而已言五室者則據周禮考工之記以爲本是康成之徒所執言九室者則案大戴盛德之篇以爲源是伯喈之倫所持此二書雖非聖言然是先賢之中博見洽通者也但各記所聞未能全正

可謂既盡美矣未盡善也而先儒不能考其當否便
各是所習卒相非毀豈達士之確論哉小戴氏傳禮
事四十九篇號曰禮記雖未能全當然多得其衷方
之前賢亦無愧矣而月令玉藻明堂三篇頗有明堂
之義余故採掇二家參之月令以為明堂五室古今
通則其室居中者謂之太廟太室之東者謂之青陽
當太室之南者謂之明堂太室之西者謂之總章當
太室之北者謂之立堂四面之室各有夾房謂之右
左个三十六戶七十二牖矣室个之形今之殿前是

其遺像耳个者即寢之房也但明堂與寢施用既殊
故房个之名亦隨事而遷耳今粗書其係以見鄙意
案圖察義略可驗矣故檢之五室則義明於考工校
之戶牖則數協於盛德考之施用則事著於月令求
之閏也合周禮與玉藻既同夏殷又符周秦雖乖眾
儒儻或在斯矣考工記曰周人明堂度以九尺之筵
東西九筵南北七筵堂崇一筵五室凡室二筵室中
度以几堂上度以筵余謂記得之於五室而謬於堂
之修廣何者當以理推之令愜古今之情也夫明堂

者蓋所以告月朔布時令宗文王祀五帝者也然營
構之範自當因宜制耳故五室者合於五帝各居
一室之義且四時之祀皆據其方之正又聽朔布令
咸得其月之辰可謂施政及俱二三但允求之古義
竊為當矣鄭康成漢末之通儒後學所取正釋五室
之位謂土居中木火金水各居四維然四維之室既
乖其正施令聽朔各失厥衷左右之个棄而不顧乃
反文之以美說飾之以巧辭言水木用事交於東北
木火用事交於東南火土用事交於西南金水用事

交於西北既依五行當從其用事之交出何經典可
謂工於異端言非而博疑誤後學非所望於先儒也
禮記玉藻曰天子聽朔於南門之外闔月則闔門左
扉立於其中鄭元注曰天子之廟及路寢皆如明堂
制明堂在國之陽每月就其時之堂而聽朔焉卒事
反宿路寢亦如之閏月非常月聽其朔於明堂門下
還處路寢門終月也而考工記周人明堂元注曰或
舉王寢或舉明堂互言之以明其制同也其同制之
言皆由鄭注然則明堂與寢不得異矣而尚書顧命

篇曰迎子釗于南門之外延入翼室此之翼室卽路寢矣其下曰大貝賁鼓在西房垂之竹矢在東房此則路寢有左右房見於經史者也禮記喪服大記曰君夫人卒於路寢小斂婦人髮帶麻於房中鄭元注曰此蓋諸侯禮帶麻於房中則西南天子諸侯左右房見於注者也論路寢則明其左右言明堂則闕其左右个同制之說還相矛盾通儒之注何其然乎使九室之徒奮筆而爭鋒者豈不由處室之不當哉記云東西九筵南北七筵五室凡室二筵置五室於斯

堂雖使班倕構思王爾營度則不能令三室不居其南北也然則三室之間便居六筵之地而室壁之外裁有四尺五寸之堂焉豈有天子布政施令之所宗祀文王以配上帝之堂周公負辰以朝諸侯之處而室戶之外僅餘四尺而已哉假在儉約爲陋過矣論其堂宇則偏而非制求之道理則未愜人情其不然一也余恐爲鄭學者苟求必勝競生異端以相訾抑云二筵者乃室之東西耳南北則狹焉余故備論之曰若東西二筵則室戶之外爲丈三尺五寸矣南北

戶外復如此則三室之中南北裁各丈二尺耳記云四旁兩夾窗若爲三尺之戶二尺窗窗戶之間裁盈一尺繩樞甕牖之室簞門圭齋之堂尙不然矣假令復欲小廣之則四面之外闕狹不齊東西旣深南北更淺屋宇之制不爲通矣驗之衆塗略無算焉且凡室二筵丈八地耳然則戶牖之間不踰二尺也禮記明堂天子負斧扆南向而立鄭元注曰設斧於戶牖之間而鄭氏禮圖設扆制曰從廣八尺畫斧文於其上今之屏風也以八尺扆置三尺之門此之亘通不

待智者較然可見矣且若二筵之室爲四尺之戶則戶之兩頰裁各七尺耳全以置之猶自不容矧復戶牖之間哉其不然二也又復以世代驗之卽虞夏尙朴殷周稍文製造之差每加崇飾而夏后世室堂修二七周人之制反更促狹豈是夏禹卑宮之意周監郁郁之美哉以斯察之其不然三也又云堂崇一筵便基高九人而壁戶之外裁四尺五寸於營制之法自不相稱其不然四也又云室中度以几堂上度以筵而復云几室二筵而不以几還自相違其不然五

也以此驗之記者之謬抑可見矣盛德篇云明堂凡九室三十六戶七十二牖上員下方東西九凶南北十筵堂高三尺也余謂盛德篇得之於戶牖失之於九室何者五室之制旁有夾房而各有戶戶有兩牖此乃因事立則非拘異術戶牖之數固自然矣九室者論之五帝事既不合施之時令又失其辰左右之个重置一隅兩辰同處參差出入斯乃義無所據未足稱也且又堂之修廣裁六十三尺耳假使四尺五寸爲外之基其中五十四尺便是五室之地計其一

室之中僅可一丈置其戶牖則於何容之哉若必小而爲之以容其數則令帝王側身出入斯爲怪矣此匪直不合典制抑亦可哂之甚也余謂其九室之言誠亦有由然竊以爲戴氏闡三十六戶七十二牖弗見其制靡知所置便謂一室有四戶之窗計其戶牖之數卽以爲九室耳或未之思也蔡伯喈漢末之時學士而見重於當時卽識其修廣之不當而必未思其九室之爲謬更修而廣之假其法象可謂因僞飾辭順非而澤諒可歎矣余今省彼衆家委心從善庶

探其衷不為苟異但是古非今俗間之常情愛遠惡
近世中之恒事而千載之下獨論古制驚俗之談固
延多諳脫有深賞君子者覽而揣之儻或存焉北史李謐
傳

梁氏三禮圖一卷梁正撰正不詳何人崇文總目三
禮圖九卷梁正撰張昭曰四部書目有三禮圖十三
卷題曰梁氏鄭氏今書府有三禮圖亦題梁鄭梁氏
集前圖記更加評議今其書佚唯聶崇義三禮圖引
之往往與阮譔同稱則梁圖固因阮圖而修之一家
之學也聶氏稱舊圖已採入阮鄭圖中不復更錄云
歷城馬國翰竹吾甫



梁氏三禮圖

梁正撰

皮弁

皮縫十二

韋崇義三禮圖卷一引梁正張鎰

童子之服

韋圖卷三梁正修阮鄭等圖以童子之服繫冕弁之末

太古冠

師說不同今傳疏二冠之象又下有進賢皆云古之

緇布冠之遺象

韋圖卷三

弁

士以骨大夫以象

同上引梁氏阮氏圖

匱

匱形方

韞圖舊圖畫而圖梁正改而方

委貌

韞圖梁正因阮氏之木而圖委貌與前三法形制又殊

章甫

章甫亦名冔

同上

笙

意疑古之竽笙與今世竽笙不同

韞圖卷五

斝

旂首為金龍頭

韞圖卷九引阮氏梁正等圖

蒼璧

禮天主璧皆長九寸

韞圖卷二十引鄭元阮謹梁正等圖

璋瓚

三璋之勺鼻為獐犬之首其柄則畫為雛尾皆不盈

寸

韞圖卷十二引阮氏梁正

柶

柶長尺橫博二寸

韞圖卷十三引舊圖柶長尺橫博二寸注云木又作二寸又云案梁

阮二氏不辨醴斝二柶唯云柶則所引博三寸阮氏舊圖木又作二寸者梁氏圖也據補

梁氏三禮圖

如煢館補校

匱

匱受一斗流長六寸漆赤中諸侯以象飾天子以黃

金飾皆畫赤雲氣

聶圖卷十三引梁正張鑑修阮氏等圖

登

登盛清以瓦爲之受斗二升口徑尺二寸足徑八寸

高二尺四寸小身有蓋似豆狀

同上引梁正阮氏圖

象尊

畫象飾尊

聶圖卷十四引梁正阮氏

爵

爵尾長六寸博二寸傳翼方足漆赤中畫赤雲氣

同上

引梁正阮氏圖

栴

栴制若今之几狹而長以承藏具

聶圖卷十八引阮氏梁正等圖

張氏三禮圖一卷唐張鎰撰鎰字季權一字公度蘇州人官至中書侍郎平章事鳳翔隴右節度使新舊唐書皆有傳傳稱大歷五年除濠州刺史爲政清淨州事大理乃招經術之士講訓生徒撰三禮圖九卷唐藝文志著錄卷同今圖佚宋聶崇義三禮圖序謂博采三禮舊圖凡得六本以聶圖所引考之止有鄭元阮譙梁正張鎰四家書中稱述皆稱舊圖其有不同者則舉姓名以論列之故凡舊圖皆採入鄭阮圖中其顯標張氏者別列一家是非折衷則固有聶圖

張氏三禮圖

序

鄭媛館補校

張氏三禮圖
在也歷城馬國翰竹吾甫

七十九卷三十七

張氏三禮圖

唐 張鎰 撰

皮弁

弁縫十二

一 引梁正張鎰

元端

天子齊元衣 元冠元裳黑鞞素帶朱綠終鞞佩白玉
黑舄赤絢纒純諸侯唯佩山元玉爲別燕居朱裳朱
鞞赤舄黑絢纒純卿大夫素裳上士元裳中士黃裳
下士雜裳前元後黃大夫已上朝夕服之唯士夕服

張氏三禮圖

婦嬭館補校

之夕者若今晡上視事耳

聶圖卷一

上公衮冕

其服元衣纁裳朱韍素帶朱綠終辟佩山元玉朱組
綬赤舄黑紉纁純其方伯及王之子弟出封侯伯皆
得服之朝王助祭焉

絺冕

天子孤及卿皆六命則同絺冕之服三章小章則畫
六上公及王之三公二王之後二伯九州之牧侯伯
王之同姓封爲侯伯者服之以助王祭社

並同上

韋弁

聶圖爵弁三張鎰退於韋弁之下

緇衣元衣

緇元二服素鞞素帶朱綠終裊佩山元玉白舄青紉
纁純天子之卿服以從燕諸侯諸侯之孤卿大夫服

以朝君

聶圖卷一

童子服

緇布冠

聶圖卷三張鎰圖以童子服連緇布冠下畫殷夏收以通天遠遊已下

太古冠

舊圖有此三象其本狀及制之大小未聞聶圖卷二

委貌

諸侯朝服之元冠士之元端之元冠諸侯之冠亦此
三冠與周天子委貌形制相同同上

皮樹中

皮樹人面獸形今文樹作豎聶圖卷八

豐

鄉射記云司射適堂西命弟升設豐注云設以承其
豐爵制象豆而卑鄭注鄉射與燕禮義同聶圖卷十二

匱

匱受一斗流長六寸漆赤中諸侯以象飾天子以黃
金飾皆畫赤雲氣聶圖卷十三引梁正張鑑修阮氏等圖

罍

阮氏圖云瓦爲之受五斗赤雲氣畫山文大中身兌
平底有蓋聶圖卷十四云張鑑引

春秋例統

唐 啖助 撰

隱公

幽厲雖衰雅未改風逮平王之東人習餘化苟有
善惡當以周法正之故斷自平王之季以隱公爲
始所以拯薄勉善救周之弊革禮之失

白孔六帖
卷八十八

[Faded text in a large rectangular frame, likely bleed-through from the reverse side of the page.]

國語章句

後漢 鄭眾 撰

周語中

周文公之詩曰兄弟鬩於牆外禦其侮

常棣穆公所作

韋昭國語解引鄭賈

鄭伯南也

南謂子男鄭今之新鄭新定之於王城為在畿內

畿內之諸侯雖爵於侯伯周之舊法皆食子男之

地 韋昭解

周語下

其詩曰昊天有成命二后受之成王不敢康

昊天天大號也二后文武也康安也言昊天有所

成命文武則能受之謂修己自勤以成其王功非

謂周成王身也韋昭解云賈鄭唐說皆然詩周

修己自勤云云

魯語下

昔正考父校商之名頌十二篇於周大師以那為首

自考父至孔子又亡其七篇故餘五耳韋昭解

楚語上

若易中下楚必歆之

易行中軍與上下軍易卒伍也中軍之卒良故易

之韋昭解

國語解詁卷上

後漢 賈逵 撰

周語上

先王耀德不觀兵

耀明也 文選司馬長卿
長門賦李善注

載戢干戈

戢藏也 文選陸士衡
歎逝賦注

阜其財求

阜長也 文選左太冲
魏都賦李善注 厚也亦盛也大也 釋元應
大愛道

殷洹經音義 文選陸佐
公石闕銘注引阜厚也

侯衛賓服

侯侯圻也衛衛圻也言自侯圻至衛圻其間凡五圻圻五百里五五二千五百里中國之界也謂之賓服常以服貢賓見於王五圻者侯圻之外曰甸圻甸圻之外曰男圻男圻之外曰采圻采圻之外曰衛圻周書康誥侯甸男采衛是也韋昭國語解云凡此服數諸家之說皆紛錯不同唯賈君近之則韋解用賈氏也據補

要服者貢

貢獻也文選古詩十九百注

女三為粲

粲亦美貌文選陸士龍為顧彥先贈婦詩注

而後王斟酌焉

斟酌取也酌行也四分律音義

乃流王于琬

流放也文選魏文帝典論注

號文公諫曰

文公文王母弟號仲之後為王卿士韋昭解史記周本紀裴

國語解詁

卷上

二鄭媛館補校

駟集解

王耕一墾

耜廣五寸二耜為耦一墾深尺

宋庠國語補音

班三之

班次也謂公卿大夫也王之下各三其上也王一

發公三發卿九發大夫二十七發

禮記月令孔穎達正義

耨穫亦如之

耨鎡鉞也

宋庠補音

宣王欲得國子之能導訓諸侯者

國子諸侯之嗣子

章昭解 虞世南北堂書鈔卷七十二

川原必塞

塞填也又滿也

顧野王玉篇

夫水土演而民用也

演引也

文選馬季長長笛賦注

惠王三年

惠王梁

宋庠補音注毋梁賈注無毋字

樂及徧舞

今本作舞史注引作舞

徧舞皆舞六代之樂也

史記周本紀集解

國語解詁

卷上

三城煨節補校

鄭厲公見虢叔

鄭厲公突虢公林父也同上

其刑矯誣

非先王之法曰矯加誅無罪曰誣義足經音義

百姓攜貳

攜離也文選謝靈運南樓中望所遲客詩注遠也文選謝靈運登石門最高頂詩注

觀其苛慝而降之禍

苛煩也文選王仲宣登樓賦注又傅武仲無賦注

昔夏之興也而降於崇山其亡也回祿信於聆隧

祝融回祿火之神也太平御覽卷八百八十一

商之興也檇杙次於丕山

檇杙絲也同上

其亡也夷羊在牧

夷羊神獸也翟曇悉達開元占經卷一百十九

周之興也鸞鷖鳴於岐山

鸞鷖鳳之別名也韋昭解引三君案韋序云因賈君之精實採唐虞之信善則凡

引三君者賈及唐固虞翻也文選張平子南都賦注引賈逵

其衰也杜伯射王於鎬春秋正義引作鎬

武王封堯後為唐杜二國春秋左傳襄二十四年孔穎達正義

實有爽德

爽貳也文選張平子東京賦注

協於丹朱

丹朱堯子太平御覽卷八百八十一

故為車服旗章以旌之

旌表也取其幟幟佛滅度後金棺葬送經音義文選何平叔景福殿賦注又潘

安仁馬尹督誅注并引首句

替其鞶也

替廢也文選謝宣遠張子房詩注

施三服義仁也

三謂忠信仁也韋昭解

於是乎始霸

霸猶把也言把持諸侯之權也大服淫繁經音義

周語中

周文公之詩曰兄弟鬩于牆外禦其侮

文公之詩者周公旦之所作棠棣之篇是也所以

閱管蔡而親兄弟韋昭解案韋云唯賈君得之據補

鄭伯南也

南者在南服之侯伯章昭解

請隧焉

隧王之葬禮闕也通路曰隧同上

親戚宴饗

不脫履升堂曰宴也大方廣佛華嚴經音義選南都賦注引無日宴也

戎狄覓沒輕儻今本作翟冒一切經音義作狄覓

覓沒猶輕觸也大智度論音義

五色精心

精明也文選顏延年五君詠注又應詔觀湖田收詩注

五義紀宜

紀猶錄也文選陸士龍為顧彥先贈婦詩注又陸士衡吳趨行注

夫辰角見而雨畢

辰角大辰倉龍也龍角星名也太平御覽卷一百九十五

天根見而水涸

涸竭也文選水元虛海賦注又沈休文新安江

火見而清風戒寒

戒人為寒備也文選顏延年宋文皇帝元皇后哀策文注

野無冥草 宋庠補音奧 賈本作冥

行理以節逆之

理吏也小行人也 春秋左傳僖三十年正義

益虔

虔敬也 文選王仲宣注 士孫文始詩贈

棄其伉儷如嬪

儷偶也 文選何平叔 景福殿賦注

不亦瀆姓矣乎

姓命也 韋昭解引 賈唐二君

不亦簡彝乎

簡猶略也 文選潘安仁笙賦注 江文通恨賦注 沈休文齊故安陸昭王碑文注引並無

猶字

若承命不違

違異也 文選陸士衡贈馮文 熊遷斥邱令詩注

則可以上下無隙矣

隙豐也 四分律 音義

乘人不義

乘陵也 文選何敬 祖維詩注

國語解古

卷上

七鄉媛館補校

周語下

高位寔疾顛厚味寔腊毒

今本作疾價 文選注引賈注作顛

顛隕也腊久也言味厚者其毒久也

文選張景陽七命注

今君逼於晉

今本作偏

逼迫也

文選張平子思元賦

天地之所祚

今本作天地所祚一切經音義引有之字祚作祚

祚祿也又位也報也

大智度論音義引無又位也句 雜阿含毗

文選班孟堅東都賦注引祚位也句

亦福也祥也

大月藏分經音義並引在祿也下

守終純固

純專也

文選枚叔七發注

於今再矣

於今單襄公時也晉厲公卽黑臀之孫也黑臀之

後二世爲君與黑臀滿三世矣

韋昭解

三襲焉

襲遠也

文選潘安仁哀永逝文注

受也

文選顏延年藉白馬賦注

穀洛鬪

穀洛二水鬪鬪者兩會似於鬪

文選潘安仁西征賦注 徐堅初學

國語解詁

卷上

八 嬀嬛館補校

記卷六引云兩水會似于鬪

聚不阨崩

小崩曰阨

後漢書蔡邕傳注

昔共工棄此道也

共工諸侯炎帝之後姜姓也顓頊氏衰共工侵陵

諸侯與高辛氏爭而王也

韋昭解

有崇伯鯀

今本作宥書正義引作崇

崇國各伯爵也

書舜典正義

共之從孫四嶽左之

今本作岳春秋正義引作嶽

共其工也從孫同姓末嗣之孫四嶽官名太嶽也

主四嶽之祭焉

春秋左傳襄十四年正義

陂障允澤

障防也

文選揚子雲長楊賦注

汨越九原

越踰也

文選顏延年五君詠注

度之于軌儀

軌法也

文選張平子歸田賦注

胙四嶽國命為侯伯賜姓曰姜

國語解詁

卷上

九鄉媛館補校

姜炎帝之姓其後變易至於四嶽帝復賜之祖姓

以紹炎帝之後春秋左傳襄十四年正義引連上注祭焉

謂其能為禹股肱心膂

膂脊也文選庾元規讓中書令表注

夫見亂而不惕所殘必多

惕疾也文選揚子雲長楊賦注沒身為殘文選曹子建三良詩注

其失彌彰今本作章

彰著也文選顏延之應詔謙曲江詩注

至於今未弭

弭忘也文選江文通雜詩注又潘安仁夏侯常侍誄注

王無以鑒於黎苗之王下及夏商之季

鑒察也文選潘安仁西征賦注季末也文選張孟陽七哀詩注

或在畎畝

一耦之發廣尺深尺為畎百步為畝韋昭解

將焉用飾宮以邀亂也今本作微亂

邀求也文選劉孝標廣絕交論注

其詩曰昊天有成命二后受之成王不敢康

昊天大號也二后文武也康安也言昊天有所

成命文武則能受之謂修己自勤以成其王功非

謂周成王身也韋昭解云賈鄭唐說皆然詩周頌

己自勤云云

二后受之讓於德也

言二后所以受天命者以能讓有德也謂詢於八

虞訪於辛尹之類韋昭解引唐二君

景王二十一年將鑄大錢

或赤或白或黃黃為上幣銅

鐵為下幣大錢者

於舊其賈重也韋昭解史記集解引至

下幣銅鐵作銅錢

以振救民

振救也文選長楊賦注又西征賦注

田疇荒蕪

一井為疇九夫一井也法炬陀羅尼經音義又潘

安仁懷舊賦注又謝元暉和徐都曹詩注又陶淵

明歸來辭注並引首句又曹子建送應氏詩注引

云二井為疇蕪穢也文選左太冲魏都賦注又

二十三年王將鑄無射而為之大林

十一 娜嬛館補校

無射鍾名律中無射也大林無射之覆也作無射

而為大林以覆之其律中林鍾也韋昭解

不過步武尺寸之間

半步為武同上

制度不可以出節

節制也文選張平子東京賦注

觀美而眩

眩惑也文選張平子南都賦注又何平叔景福殿賦注又顏延年五君詠注及揚子雲劇秦

美新論注

民歆而得之今本作德一經音義引作得切

歆貪也普超七曜經音義

律以平聲

律黃鍾為宮林鍾為徵太簇為商南呂為羽姑洗

為角所以平五聲也韋昭解

以遂八風

遂從也文選嵇叔夜與山巨源絕交書注八風八卦之風也初學記卷

五十

衆口鑠金

國語解詁

卷上

十三 嬖嬖補校

鑠銷也眾口所惡金為之銷也文選鄒陽獄中上書自明注又江文

通雜詩注枚叔七發注張景陽七命注並引上句

考中聲而量之以制度律均鍾百官軌儀

律謂六律六呂以均鍾小大清濁也考成也成平

也平中和之聲度律呂之長短以立均鍾以成和

平之聲而百官之道得象而儀之春秋左傳襄十九年正義

所以金奏贊陽出滯也

太蔟正聲為商故為金奏所以佐陽發出滯伏也

明堂月令曰正月蟄蟲始震韋昭解

於是乎有七律

周有七音謂七律謂七器音也黃鍾為宮大蔟為

商姑洗為角林鍾為徵南呂為羽應鍾為變宮蕤

賓為變徵春秋左傳昭二十年正義

景王既殺下門子

下門子周大夫王猛之傅也景王欲立朝故先殺

猛傅春秋左傳昭二十二年正義

遽歸告王

遽疾也唐釋慧苑華嚴經音義

立王勤商十有四葉而興

今本作世初學記引作葉

立王謂契湯之祖契謂之立王

初學記卷九

而幽王蕩以為魁陵

川阜曰魁

文選海賦注

魯語上

是故先王制諸侯使五年四王一相朝也

王謂王事天子也歲聘以志業間朝以講禮五年

之間四聘於王而一相朝者將朝天子先相朝也

韋昭

解

收招而承

今本作收摠而承一

拮合穗也

燈指因緣經音義

故曰庶可以已乎

庶冀也

文選傳長虞贈何劭王濟詩注

夫為四鄰之援

援引也

文選孫典公遊天台賦注又司馬長卿長門賦注

大懼殄周公大公之命祀

周公為大宰大公為大師皆掌命諸侯之國所當

祀也

韋昭解引賈唐二君

國語解詁

卷一

西鄰媛館補校

大刑用甲兵

謂諸侯不式王命則以六師移之韋昭諸侯逆命

征討之刑也書舜典正義

中刑用刀鋸小刑用鑽鑿文選馬季長長笛賦注云

鑿韋昭注為竿而賈逵注為

大者陳之原野小者致之市朝

大夫已上於朝士已下於市書舜典正義

惡有釁

釁兆也謂罪萌兆也文選曹子建上責躬應詔詩注又李合伯陳情表注又陸

上衡答賈長淵詩注引作言釁有兆

海鳥曰爰居

爰居雜縣也文選郭景純遊仙詩注

帝嚳能序三辰以固民

三辰日月星也文選陸士龍大將軍讌會被命詩注

故有虞氏禘黃帝而祖顓頊郊堯而宗舜

有虞氏舜後在夏殷為二王後故有禘郊宗祖之

禮也韋昭

嘗禘烝享之所致君胙者有數矣

十五 鄭媛館補校

臣致祭肉於君謂之致胙

韋昭解引賈唐二君

烝將躋僖公

烝進也謂夏父弗忌進言於公將升僖公於閔公

上也

韋昭解

借魚鼈

借鏃也

宋庠補音據賈本作鏃

山不榘榘

榘邪斫也

文選張平子西京賦注

魚禁鯤鱠

鯢魚子也

宋庠音鯢魚子同上引說文及賈

臣以為肄業及之

肄習也

文選西征賦注又景福殿賦注又赭白馬賦注

計成而後行

計謀也

優填王經音義

踦跛畢行

宋庠補音踦跛賈本作跛

跛蹇也

宋庠補音

特止晏萊焉

從後牽曰特

後漢書崔寔傳注文選潘安仁藉田賦注

木石之怪曰夔 罔兩水之怪曰龍罔象

今本作罔象 春秋正義引

七十九卷五十九

作罔

夔一足越人謂之山繅

音騷 韋昭解引或云宋庠補音云繅音騷唐賈

孔皆

罔兩罔象

言有夔龍之形而無質體

春秋左傳宣三

年正

子將庀季氏之政焉

庀猶理也

文選南都賦注

吾覲爾朝夕修

我曰

今本覲作冀

覲望也

文選又盧

王仲宣登樓賦注子諒贈劉琨詩注

師尹惟旅牧相 宣序民事

師尹大夫官也掌以美詔王惟陳也旅衆士也牧

州牧也相國相也皆百官政士之所及也

韋昭解引三君

宗不具不繹

宗宗臣主祭祀之禮不具謂宗臣不具在則敬姜

不與繹也

韋昭解

男女之饗不及宗臣

男女之饗謂宴相饗食之禮不及宗臣

同上

無洵涕

國語解詁

卷上

十七 嬖嬖館補校

洵彈也宋庠補音

其骨節專車

專滿也文選郭景純江賦注

於是肅慎氏貢楛矢石矰其長尺有咫

矰矢鏃之石也書禹貢正義八寸曰咫春秋左傳僖九年正義文選

長楊賦注又盧子諒贈劉琨詩注廣韻上聲四紙咫字注

古者分同姓以珍玉

珍寶也文選盧子諒贈劉琨詩注

先民有作

先民古賢人也書伊訓正義

季康子欲以田賦

田一井也周制十六井賦戎馬一匹牛二頭一井

之田而欲十六井之賦也韋昭解

齊語

夫管夷吾射寡人中鉤是以濱於死

鉤帶鉤也文選七濱近也管仲臣于子糾乾時之

戰親射桓公中鉤韋昭解引三君

合羣容比較民之有道者

校考也 文選長楊賦注

式權以相應

權秉也 文選陸上衡五等論注

比綴以度

綴連也 文選西京賦注又左太仲魏都賦注又景福殿賦注

羣萃而州處

萃亦處也 文選陸士衡謝平原內史表注

論此協材

論釋也 初學記卷二十

耒耜枷芟

枷拂也拂所以擊也 宋庠補音

時雨既至挾其槍刈耨鎛

挾持也 同上

十連為鄉鄉有良人焉

良人鄉士也 韋昭解

驕躁姪暴 今本作淫一切經音義引作姪

躁擾也亦動也 四分律音義

訾相其實

量也文選王仲宣詠史詩注又陳孔璋檄吳將部曲注殷敬順列子說符篇釋文

索訟者三禁

索求也文選揚子雲羽獵賦注又古詩十九首注

惡金以鑄鉏夷斤鑷

斤鑷也四分律音義

使海於有蔽渠弭於有渚

海濱也有蔽言可依蔽也渠弭裨海也水中可

居者曰渚韋昭解

南至於陶陰宋庠補音餉陰賈作陶

有草車八百乘

謂一國之賦八百乘也乘七十五人凡甲士六萬

人韋昭解

飾牲為載書北堂書鈔引齊語有書字

飾牲陳其牲為載書加于牲上而已不歃血也虞世

南北堂書鈔卷八十一

踰大行與辟耳之谿

山險也史記封禪書司馬貞索隱

反詐於絳

反復也胙位也絳晉國都也晉獻公卒奚齊卓子
死國絕無嗣晉侯失其胙位桓公以諸侯討晉至
高粱使隰朋帥師立公子夷吾復之於絳是謂惠
公事在魯僖九年

韋昭解

賞服大路龍旂九旒渠門赤旂

大路諸侯朝服之車謂金路鉤樊纓九就龍旂九
旒也渠門亦旗名赤旂大旂也

同上 史記齊世家集解引至金路

謂下有之字

定三革

甲冑盾三也

大方等大方集經音義

國語解詁卷下

晉語一

戎夏交梓

交共也

文選潘安仁射雉賦注

飲而無肴

肴菹也凡非穀而食之曰肴

妙法蓮華經音義

兆有之

兆見也形也

大智度論音義 文選孫興公遊天台山賦注引兆形也

而安俘女

伐國取人曰俘俘亦取也

佛大僧大經音義 選李令伯陳情表注又

沈休文齊故安陸昭 王碑文注並引上句

肆侈不違

肆恣也

文選揚子雲甘泉賦注又潘安仁關中詩 注又嵇叔夜幽憤詩注又江文通雜詩注

父陳孔璋為袁紹檄豫州 生又嵇叔夜養生論注

謙謙之德

宋庠補注 謙賈作謙

謙謙言小務大

宋庠補音

非禮不終年

十年而數終

韋昭解 引賈虞

伯氏不出

伯氏申生也

韋昭解 引賈虞

棄政而役非所任也

政猶職也

法華經 音義

苛我邊鄙

苛猶擾也

大愛道比丘 尼經音義

懼不孝不懼不得

不得不得君心也

韋昭解 引賈唐

杜門不出

杜塞也塞閉也

央掘魔羅經音義
佛本行集經音義

晉語二

我教茲暇豫事君

暇間也

文選王仲宣
登樓賦注

不鄭曰惜也

惜痛也

文選陸士衡歎逝賦注又曹子建贈王粲
詩注又顏延年直東宮答鄭尚書詩注又

陸韓卿奉答內
兄希叔詩注

多為之故

故謀也

文選景福
殿賦注

殺君以為廉

廉猶利也以天子故殺君以自利

韋昭解

置堊於肉

堊烏頭也

春秋左傳僖
四年正義

既填其費矣

宋庠補音
鎮或作填

填加也

宋庠
補音

吾命之以汾陽之田百萬

汾水名汾陽晉地百萬百萬畝也

韋昭解

黃金四十鎰

國語解

卷六

如嬛館補校

一鑑二十四兩文選阮嗣宗述懷詩注父枚叔七發注

晉語三

貞之無報也就是斯而有是臭也

貞正也謂惠公欲以正禮改葬世子而不獲吉報

也斯斯世子也誰使是人有是臭也言惠公使之

也韋昭解引賈唐

貞謂不聽

謂告也文選陸上衡辨亡論下注

作輶田

輶易也為易田之法賞眾以田易疆界也韋昭解文選

王元長策秀才文注引賈逵曰爰易也

晉語四

底箸滯淫

淫久也文選王仲宣七哀詩注又陸韓卿奉答內兄希叔詩注

勦力一心

勦力并力也文選司馬長卿子虛賦注又陸士衡文賦注又辨亡論上注又王仲寶楮

淵碑文注力士移山經注

既而揮之

揮灑也 文選潘安仁在懷縣詩注

同姓為兄弟

兄弟婚姻之稱也 韋昭解

昔少典取於有嬌氏生黃帝炎帝

少典黃帝炎帝之先有嬌諸侯也炎帝神農也 同上

畏黷敬也

黷媾也 文選石季倫思歸引注又陸士衡漢高祖功臣頌注

今將婚媾以從秦

重婚曰媾媾厚也 大灌頂經音義

薦在宗廟君之力也

在宗廟為祭主也 文選王仲宣從軍詩注

內有震雷故利貞

震以動之利也侯以正國貞也利義之和也貞事

之幹也 韋昭解

十月惠公卒十二月秦伯納公子

閏餘十八閏在十二月後魯失閏以閏月為正月

晉以九月為十月而置閏也秦伯以十二月始納

公子公子以二十四年正月入晉桑泉

元年春公及夫人嬴氏至自王城

是月失閏以三月為四月故曰春而不言其月明

四月為春分之月也嬴氏秦穆公女文嬴也並同上

禮賓旅

旅客也

文選顏延年直東宮答鄭尚書詩注

與麗土之翟

麗土在晉東

宋庠補音麗狼狄切或作鄴賈唐與韋同

文公誅觀狀以伐鄭反其埤

鄭復效曹觀公駢脅之狀故伐之韋昭解

夫三德者偃之出也

三德欒枝先軫胥臣也皆狐偃所舉韋昭解引賈唐

子犯卒蒲城伯請佐

蒲城伯先且居也韋昭解

聾聵不可使聽

生聾曰聵大方廣佛華嚴經音義

而惠慈二蔡

二蔡文王子管叔初亦為蔡韋昭解引二君案韋每引賈唐二君此

省文

詢於八虞

八虞周八士皆在虞官伯達伯适仲突仲忽叔夜

叔夏季隨季駟

韋昭解引賈唐義引賈達唐固云

詩大雅思齊正

諏於蔡原而訪於辛尹

蔡公原公辛甲尹佚也

詩大雅思齊正義引連八虞春秋左傳襄四年正

義引賈達云辛甲尹佚

晉語五

曰季使舍於冀野

曰季晉臣冀野晉地

太平御覽卷五十五

舍於逆旅甯嬴氏

甯嬴掌逆旅之大夫

春秋左傳文五年正義引賈達孔晁

晉語六

風聽臚言於市

風采也采聽商旅之言也

文選沈休文彈奏王源注

夷竈填井

夷毀也

大智度論音義

晉語七

夫膏梁之性難止也

今本作難正文選注引作止

膏肉之肥者梁食之精者言其食肥美者性率驕

放其性難止也文選陸士衡君子有所思行注

使張老延君譽於四方

延陳也文選魏都賦注

鄭伯嘉造納女工妾三十人女樂二八

妾女樂也韋昭解

晉語八

在商為豕韋氏

劉累之後至商不絕以代豕韋之後史記夏本紀集解

問於張老

張老中軍司馬也韋昭解引三君

昔隰叔子違周難於晉國生子輿為理

宣王殺杜伯其子逃而奔晉子輿士蔦字春秋左傳襄二

十四年正義

世及武子

武子士會也會士蔦之孫是隰叔四世及士會

是以受隨范

食邑於范為范氏也並同上

夫樂以開山川之風以耀德於廣遠也風德以廣之

風山川以遠之

案初學記引作夫樂風德以廣之山川以遠之

開通也

文選魏都賦注

樂所以通山川之風類以達其德

初學記卷十五

昔吾先君唐叔射兕於徒林殪以為大甲

以兕革為大甲

初學記卷二十二

少懦於諸侯

懦下也

文選陸士衡猛虎行注

斲其椽而礱之

礱磨也

文選枚叔上書諫吳王注

晉語九

吾伏殺略血

左傳作嘔血面汙血曰嘔

宋庠補音

趙簡子田于婁

宋庠補音于婁賈孔本並作婁

趙簡子問於莊馳茲

宋庠補音壯音莊賈孔本同

東方之士孰為愈

宋庠補音為愈賈孔並作愈

尋飯有恐色

尋用也

文選陸士衡五等論注

國語解言

卷下

娜嬛館補校

鄭語

禿姓舟人

禿彭姓別族也

鄭樵通志氏族略卷三

彭姓豕韋則商滅之矣

大彭豕韋為商伯其後世失道殷德復興而滅之

春秋左傳襄二十四年正義

斟姓無後

斟姓是曹姓之後

廣韻下平聲二十一侵斟字注

夔越不足命也

夔越皆莘姓

通志氏族略卷二

而好讒慝暗昧

暗不明也

文選歐陽堅石臨終詩注

惡角犀豐盈

朱庠補音角犀賈唐孔本作犀

建九紀以立純德

九紀九功也

韋昭解引賈唐

合十數以訓百體

十數自王以下位可十等王臣公公臣大夫大夫

臣士士臣阜阜臣輿輿臣隸隸臣僚僚臣僕僕臣

臺百體百官各有體屬也合此十數之名以訓導有官之體也

計億事

萬萬為億

並同上

而與專同

宋庠補音刺賈唐孔本作專

武王之子應韓不在

不在時已亡也

韋昭解引三君

皆有寄地

寄地猶寄土也

韋昭解

楚語上

聳善而抑惡焉

抑止也

文選張平子思元賦注

而鎮其浮

浮輕也

文選殷仲文南州桓公九井詩注

子尚良食

尚且也

文選七發注

析公奔晉晉人用之實讒敗楚使不規東夏則析公之為也

傳曰繞角之役晉將遁矣析公曰楚師輕佻易震

蕩也若多鼓鈞聲以夜軍之楚師必遁晉人從之

楚師宵潰晉遂侵蔡襲沈獲其君鄭於楚不敢南

面楚失諸華繞角之役在魯成六年宋庠補音注

傳作寃賈達作

佻全注據韋補

椒舉今本作湫舉

文選潘安仁寡婦賦注引國語

椒舉奔鄭緬然引領南望下引賈注案奔鄭是約下文而賈本秋作椒明矣故出椒舉於緬然上

緬然引領南望

緬思貌也

文選潘安仁寡婦賦注又王仲宣贈文叔良詩注又王元長策秀才文注又任

彥昇齊竟陵文宣王行狀注

昔鄭有京櫟

京鄭邑

史記鄭世家集解

大能掉小

掉搖也

文選長楊賦注

左史謗之

對人道其惡曰謗也

妙法蓮華經音義

於是乎作懿戒以自儆也

懿戒書也

章昭解引三君

武丁於是作書

書說命也韋昭解引賈唐

楚語下

日月會于龍虺

虺龍尾也月令孟春日在尾文選東京賦注

道其順辭

道由也同上

吾聞君子唯獨居思念前世之崇替

唯獨也文選江文通別賦注又嵇叔夜琴賦注崇終也文選陸士衡門有車馬行

注

吳語

夫申胥華登簡服吳國之士

簡習也文選長楊賦注

而未嘗有所挫也

折其鋒曰挫後漢書馮異傳注

大王豈厚裁之

裁制也文選東京賦注又五等論注又沈休文齊故安陸昭王碑文注

而驟救傾危以時一切經音義引傾下有危字

國語解詁

卷下

十三 娵媛館補校

驟疾也

大智度論音義

盛以鴟夷

鴟夷革囊也

春秋左傳哀十一年正義

今吾道路悠遠

悠長也

文選盧子諒時興詩注大智度論音義

乃令服兵環甲

環甲衣甲也

俱舍論音義大菩薩藏經音義 瑜伽師地論音義

行頭皆官帥

官帥大夫也

韋昭解引二君

百人爲一卒

宋庠補音史記吳世家索隱

三軍譁响

今本作三軍皆譁响一切經音義引無皆字卸作响

响諱也

佛本行集經音義

乃令董謁請事

董謁晉大夫司馬寅也

文選王仲宣贈文叔良詩注春秋左傳哀十年正義

引無晉大夫三字

王稱左畸曰攝少司馬茲以王士五人坐于王前

稱呼也左畸軍左部攝執也少司馬茲與王士五

人皆罪人死士

韋昭解引賈唐二君

乃皆進自剄於客前以酬客

到到也酬報也將報客使死士自到以示其威行

軍士用命也

同上

王總其百執事

王往也百執事百官也

韋昭解

國人欲告者來告

告不任國事也

韋昭解引三君

而困鹿空虛

鹿庾也

廣韻入聲一屋鹿字注

有眩眊之疾者告

今本作眩瞽一切經音義引作眩眊

眩眊顛眊也

賢愚經音義

越語上

苟聞子大夫之言

親而近之故曰子大夫也

文選漢武帝賢良詔注又王元長永明九年策

秀才文注

係妻孥

係擊也

文選長楊賦注

乃必有偶

偶對也

文選顏延年夏夜呈從兄散騎車長沙詩注

父勉其子兄勉其弟

勉猶勸強也謂勸教之也

妙法蓮華經音義

而為弊邑宸宇

宸室之奧者

許慎說文宀部丁度集韻上平聲十七真宸字注

越語下

以為亂梯

梯猶階也

文選應德理侍五官郎中將建章臺集詩注

忠臣解骨

解骨子胥伏屬鏤也

韋昭解引賈唐

王其且馳騁弋獵

獵取也

文選揚子雲羽獵賦注

蹶而趨之

蹶走也

文選潘安仁射雉賦注

羸縮轉化

縮退也

陀羅尼維集經音義

蚤晏無失

晏晚也

文選顏延年夏夜呈從兄散騎車長沙詩注

吳王帥其賢良與其重祿以上姑蘇

重祿大臣也

韋昭解

而鼃黽之與同渚

宋庠補音渚唐貫孔作渚

又安知是譏譏者乎

譏譏巧言也

陸德明公羊釋文

